

國家圖書館藏

清光緒兵部奏稿

全國圖書館文獻
館藏總覽中心

國家圖書館分館編

清光緒兵部奏稿

兵部奏稿

光緒十四年十一月

武選司付閩督楊

奏李仰山補遊擊一摺

又陝督譚

奏王克修補守備一摺

又

奏新疆撫標各缺均作題缺一摺

又江督曾

奏郭占元等補遊擊准駁一摺

又

奏鄧業良等補遊擊准駁一摺

又

奏周啟發補守備一摺

又

奏陸昆池補守備一摺

飯銀處付奏催貴州省舊欠飯銀仍請提解一摺

以上八摺於十一月初一日正班具奏

光緒十四年十一月初一日正班

奏
事

議覆前陝督譚 等奏新疆撫標副將各營員缺均作為題缺一摺

又閩督楊 奏李仰山補遊擊一摺

又江督曾 奏郭占元等補遊擊各缺分別准駁一摺

又 奏鄧業良等補遊擊各缺分別准駁一摺

又 奏周啟發借補守備一摺

又江督曾 等奏陸昆池借補守備一摺

又前陝督譚

奏王克修借補守備一摺

兵部謹

奏為遵

旨議

奏事內閣抄出前陝甘總督譚等奏稱准部咨應將新疆撫標暨城守各營添改副將叅將遊擊都司守備等缺均作何項之缺體察情形迅即奏明辦理至現設各缺並令查明堪勝改缺之任者分別奏咨報部以憑換劄註冊人地未宜者奏明開缺另補等因茲據詳稱新疆撫標及城守各營副將叅將遊擊都司守備

等官員缺係以烏魯木齊提標所部各營員缺體
察情形分別改設添設計改設撫標中營叅將一員
守備二員左營遊擊一員守備二員右營遊擊一員守
備二員省城城守營副將一員都司二員守備一員喀
喇巴爾噶遜營守備一員瑪納斯協營副將一員都司
二員守備一員濟木薩營叅將一員守備一員庫爾喀
喇烏蘇營遊擊一員守備一員精河營叅將一員守
備一員添設吐魯番營遊擊一員守備一員其各該員

缺從前均定由外揀選題補誠以地處極邊兵政極關緊要非洞悉邊情練習營務之員難期勝任現雖建置行省而情形今昔則同所有改設添設各缺應請均作為題缺由外揀員請補如蒙

俞允

即遵照部議將堪勝改缺之任者分別奏咨報部換劄註冊人地未宜者奏明開缺另行揀員請補而資得力等因一摺於光緒十四年九月初二日奉

硃批

兵部議奏欽此查前經議覆前陝甘總督譚等

奏新疆應設撫標及城守等營各員缺摺內聲稱新疆添改撫標及城守各營員缺總計副將二員叅將三員遊擊四員都司四員守備十三員千總十九員把總五十二員外委三十四員共官一百三十一員該督等係為慎重邊疆因時變通起見應如所奏辦理其添改各缺應作何項之缺行令奏明辦理所有節制統轄各營制及駐劄處所相距各府廳州縣程途里數亦令即行造具詳細清冊並繕具圖說送部查核至裁撤各員弁應即

旨允

留於該省遇缺另補其現設各缺立營方始尤關緊要
行令該督等查明堪勝改缺之任者即行分別奏咨報
部以憑換劄註冊人地未宜者奏明開缺另行揀員
請補等因於光緒十三年七月初七日具奏奉

准在案今該督等奏稱新疆添改撫標及城守等營
副將叅將遊擊都司守備各員缺從前均定由外揀
選題補現雖建置行省而情形今昔則同應請均作
為題缺由外揀員請補查該督等係為慎重邊疆

因時制宜起見自應准如所請均作為題缺其各員缺均係新添改之缺未便久懸應令該督等迅即揀選熟悉地方情形明幹有為之員請補以收寔效而專責成其各營所屬添改千總把總外委各弁缺亦令該督等迅即揀拔報部以憑給劄註冊至現任各員弁現據該督等另案奏咨聲明均請先行一律開缺

臣部另行辦理所有節制統轄各營制及駐劄處所相距各府廳州縣程途里數仍令該督等查

照前奏迅即造冊並繕具圖說送部查核其餘一切未盡各事宜行令該督等詳細分別奏咨辦理所有

奏

伏乞

聖鑒

訓示遵行謹

奏

請

旨

兵部謹

奏
為遵

旨議

奏事內閣抄出前閩浙總督調任陝甘總督楊 奏福建

連江營遊擊員缺係陸路題補之缺應用儘先人員隨詳加

遴選名次在前之廖先全一員緣有汀州鎮標石營遊擊開

缺日期在先應將該員留歸部掣毋庸重複請補外惟查

有留福建儘先遊擊李仰山才具老成營務練達核計名

次亦屬在前以之請補可期勝任等因光緒十四年八月二十日奉

硃批

兵部議奏欽此

查_臣部奏定章程內開儘先各官

均按奉

旨先

後挨次補用等語福建連江營遊擊員缺係陸路題補

第三輪第一缺應用儘先人員除聲敘名次在先之廖先

全一員業經_臣部題補汀州鎮標右營遊擊奉

旨允

准調取赴部在案該督請以儘先遊擊李仰山補授查李

仰山儘先名次在前現無事故由儘先遊擊_請

補遊擊核與定章相符應請准其補授福建連江營遊擊

該員於開復案內曾經引

見今

補授遊擊毋庸再行送部恭候

命下

由臣部發給劄付令其赴任所有臣等遵議緣由理合

恭摺具

奏

伏乞

聖鑒

訓示遵行謹

奏

請

旨